

Les plus anciens documents linguistiques de la France
Corpus : chartes de la Nièvre (chN)
Responsable du corpus : Martin-D. Glessgen
Édition de la charte : Julia Alletsgruber (révision: D. Kihai)

chN 008

Édition critique

1306

Type de document: charte: hommage lige

Auteur: Simon de Sechepré, chevalier

Sceau: Officier de la cour de Toul

Support: Original parchemin jadis scellé

Lieu de conservation: AD N 3 B 231

Verso: Lettres de l'omaige mon signor Symon René de Sechepree;
Symon p--; 1302; MCCCXLII; 15

Transcription de la charte

1 Je Symons de Sechepree chevalliers **2** fais congissant à tous **3**
 que tout ce que je ai, puis *et* doie avoir à Groisrouvre· à
 Brenaincourt· à Ram\2buecourt· à Rambuemont· à Laheuille· *et* à
 Bullonville· en hommes *et* en heritage sens rien à retenir· **4** *et* ma
 maison de Sechepree· le pourpris de la dicte \3 maison· tous mes
 woingnages de Sechepree en terres arables *et* en preis, **5** ce que je
 ai *et* puis avoir en la rue c'um dit Narvel *et* \4 en la rue de Bom Puis·
6 *et* tout ce entierement que je ai, puis *et* doie avoir en tous prous *et*
 en tous us en la dicte ville de Sechepree, \5 ou ban *et* ou finage de
 celle ville, **7** en homes, en femmes, en maisons, en grainges, en
 terres, en preis *et* en toutes autres chouzes sens rien à \6 retenir **8**
 sunt *et* doivent estre fiés lige à noble dame ma dame Yzabel de
 Hyeuraing dame d'Aspremont, à Gobert son fil *et* à lour hoirs· **9** *Et*
 \7 je *et* mi hoir les tenons *et* devons tenir en fiei *et* en homage
 lagement apres la ligoi mon signour Symon conte de Sarebruche *et*
 signour de \8 Comarcey· **10** fors quatre maniees d'omes que je teng
 à Sechepree des enfans de Janney· **11** *Et* toutes les chouzes dessus
 dictes qui estoient de \9 mon aluel repris je de noble home mon tres
 chier signour Joffroy signour d'Aspremont qui fuit· **12** *Et* en fis fié
 lige à lui *et* à ses hoirs apres \10 la ligei mon signour de Sarebruche
 si cum dessus est dit· **13** *Et* lour promes à warentir toutes les
 chouzes dessus dictes ensi cum dessus est dit, \11 **14** cum mon aluel
 dont je fis fiés contre toutes gens qui à jour *et* à droit vourroient
 venir· **15** En tesmougnage de la queil chouze je ai prié \12 *et* requis à
 discreit home *et* sage l'official de Toul qu'il wolle mettre le sael de
 la court de Toul ou face mettre en ces presentes let\13tres en
 tesmougnage de veritei· **16** *Et* nous officialz dessus diz à la **r**

equeste *et* à la supplicacion dou dit signour Symon de Sechepree \14
chevalier· avons fait mettre le saiel de nostre court de Toul en ces
presentes lettres· 17 les queles furent faites· l'an que li meli\15aires
nostre Signour courroit par· mil· trois cens· *et*· seix·